

**Қазақстан Республикасы Президентінің Іс басқармасының
Материалдық-техникалық қамтамасыз ету басқармасына қарасты
«Парламентаризм институты» шаруашылық жүргізу құқығындағы
республикалық мемлекеттік кәсіпорны мен «Қазақстан Республикасы
Ішкі істер министрлігі Бәрімбек Бейсенов атындағы Қарағанды
академиясы» Республикалық мемлекеттік мекемесі арасындағы
ынтымақтастық туралы
МЕМОРАНДУМ**

Бұдан әрі «Тараптар» деп аталатын Материалдық-техникалық қамтамасыз ету басқармасының «Парламентаризм институты» шаруашылық жүргізу құқығындағы республикалық мемлекеттік кәсіпорны мен Қазақстан Республикасы Ішкі істер министрлігінің Бәрімбек Бейсенов атындағы Қарағанды академиясы,

Тараптардың заңнаманы жетілдіруге және ғылыми-практикалық зерттеулерді дамытуға *мойындай отырып,*

өзара қызығушылық тудыратын іргелі және қолданбалы зерттеулерді бірлесіп жүргізуді қоса алғанда, заңнаманы тиімді жетілдірудің, ғылыми-практикалық қызметін тиімді дамытудың маңыздылығын, теориялық және практикалық маңыздылығын *түсіне отырып,*

осы ынтымақтастық туралы Меморандум аясында мынадай түрде ынтымақтасуға келісті:

1. ЫНТЫМАҚТАСТЫҚТЫҢ НЫСАНАСЫ МЕН НЫСАНДАРЫ

1.1. Заң ғылымы мен практикасының өзекті проблемалары бойынша іргелі және қолданбалы сипаттағы бірлескен қорытындылар мен ғылыми зерттеулерді өзара тиімді және келісілген шарттарда жоспарлау, ұйымдастыру және жүргізу.

1.2. Құқық қолдану практикасы және заңнамалық реттеу, заңдылық пен құқық тәртібін нығайту мәселелері бойынша әдістемелік құралдар мен ұсынымдар әзірлеу және шығару мақсатында бірлескен авторлық ұжымдар құру.

1.3. Заң ғылымы мен практикасы, заңдылық пен құқықтық тәртіпті нығайту, қылмысқа қарсы күрес мәселелері бойынша бірлескен ғылыми зерттеулер, ғылыми-практикалық конференциялар, симпозиумдар, дөңгелек үстелдер мен форумдар өткізу, өткізілген конференциялардың, симпозиумдардың және т.б. қорытындысы бойынша жинақтарда мақалалар жариялау.

1.4. Заң ғылымы мен практикасының өзекті мәселелері бойынша өзара кеңестер беру.

1.5. Заң ғылымы мен практикасының неғұрлым өзекті проблемаларын шешу тәжірибесін зерделеу, заңнаманы қолдану, заңдылық пен құқықтық

тәртіпті қамтамасыз ету, сондай-ақ қылмыстың алдын алу және оған қарсы іс- қимыл жасау мақсатында мамандармен алмасу.

1.6. Заң ғылымы мен практикасы саласындағы ғылыми-практикалық басылымдар мен жинақтарды, өзге де ғылыми және оқу әдебиеттерін дайындау және шығару жөніндегі бірлескен баспа қызметін үшінші тұлғаларға бермей жүзеге асыру.

1.7. Шарттық негізде ғылыми тағылымдамаларды ұйымдастыру және өткізу.

2. ӨЗАРА АҚПАРАТ АЛМАСУ

2.1. Тараптар қажет болған жағдайда, құқықтық, талдамалық, ғылыми-практикалық сипаттағы ақпарат және алмасуға заңнамада тыйым салынбаған немесе шектелмеген өзге де ақпарат алмасуда бір-біріне өзара көмек көрсетеді және жәрдем көрсетеді.

2.2. Тараптар осы Меморандум аясында алынған ақпараттың құпиялылығын сақтауға кепілдік береді.

2.3. Тараптардың келісімі бойынша бірлескен қызметтің нәтижелерін тиісті органдар (бөліністер) бұқаралық ақпарат құралдарында жария етуі мүмкін.

3. ҚОСЫМША ІС-ШАРАЛАР

Осы Меморандум кез келген Тараптың бастамасы бойынша ынтымақтастықты кеңейтуге бағытталған өзге де іс-шараларды өткізу мүмкіндігін жоққа шығармайды.

4. ЗИЯТКЕРЛІК МЕНШІК

4.1. Тараптар осы Меморандум жасалғанға дейін құрылған Тараптардың әрқайсысының зияткерлік меншік құқықтарын сақтауға міндеттенеді.

4.2. Осы Меморандумды орындау шеңберінде құрылған зияткерлік меншік құқығы оны құрған Тарапқа тиесілі.

4.3. Осы Меморандумды орындау шеңберінде Тараптар бірлесіп құрған зияткерлік меншікке қатысты Тараптар оны құқықтық қорғау, пайдалану және құпиялылықты қамтамасыз ету тәртібі туралы жеке келісім жасасуға міндеттенеді.

5. ІС-ШАРАЛАРДЫ ҚАРЖЫЛАНДЫРУ

Осы Меморандумда белгіленген іс-шараларды қаржыландыру Тараптардың келісімі бойынша Тараптар арасында жасалған қосымша келісімдер негізінде жүзеге асырылады.

6. КЕЛІСІМНІҢ КҮШІ ЖӘНЕ БҰЗУ ШАРТТАРЫ

6.1. Осы Меморандум Тараптар қол қойған күннен бастап күшіне енеді.

6.2. Осы Меморандумға енгізілетін кез келген өзгерістер мен толықтырулар

жазбаша түрде ресімделуі және оған Тараптар қол қоюы тиіс.

6.3. Осы Меморандумның қолданылу мерзімі - егер Тараптардың бірі екінші Тарапты осы Меморандумның қолданысын тоқтату ниеті туралы оның қолданылуының кезекті кезеңі аяқталғанға дейін бір айдан кешіктірмей жазбаша нысанда хабардар етпесе, келесі бес жылдық мерзімге автоматты түрде ұзартылады.

6.4. Тараптардың әрқайсысы өзінің ниеті туралы екінші Тарапты кемінде үш ай бұрын жазбаша нысанда хабардар ете отырып, Меморандумның қолданысын мерзімінен бұрын тоқтата алады.

6.5. Меморандумға 2025 жылдың « 19 » 12 мемлекеттік және орыс тілдерінде екі түпнұсқа данада қол қойылды.

7. ҚОРЫТЫНДЫ ЕРЕЖЕЛЕР

7.1. Осы Меморандумды іске асыру процесінде туындайтын және жоспарланған іс-шараларды орындауға кедергі келтіретін даулы мәселелер мен жағдайлар Тараптар арасындағы келіссөздер арқылы ғана шешіледі.

7.2. Даулы мәселелер мен жағдайларды қарау үшін Тараптар екіжақты комиссия құруға құқылы, оның қорытындысы Тараптардың келіссөз процесінде ескерілуі мүмкін.

8. ТАРАПТАРДЫҢ ДЕРЕКТЕМЕЛЕРІ ЖӘНЕ ҚОЛДАРЫ

«Қазақстан Республикасы Ішкі істер министрлігінің Бәрімбек Бейсенов атындағы Қарағанды академиясы» Республикалық мемлекеттік мекемесі

Мекенжайы: 100009,
Қарағанды облысы, Қарағанды қаласы, Қазыбек би атындағы ауданы, Ермеков көшесі, 124,
тел: +7 7212 303392
e-mail: academy@kpa.edu.kz



Бастығы

Биекенов Нурлан Амангелдинович

Қазақстан Республикасы Президентінің Іс басқармасы Материалдық-техникалық қамтамасыз ету басқармасының «Парламентаризм институты» шаруашылық жүргізу құқығындағы республикалық мемлекеттік кәсіпорны
Мекенжайы: 0100000, Қазақстан Республикасы, Астана қаласы, Мәңгілік Ел даңғылы, 8 үй,
тел: +7 7172 248661
e-mail: instparlam@umto.kz



Директор

Пан Наталья Виссарионовна